

Ex dirigente di Parade Bibi Arends ta sinti cu nan ta cabando cu carnaval:

Directiva di SAC tuma honor na boso mes y baha !

ORANJESTAD—Dirigenten di Stichting Arubaanse Carnaval tin cu tuma honor na nan mes y baha e aña aki ainda. Pensamento di ex carnavalista y dirigente di Lighting Parade di Aruba Bibi Arends na BONDIA ARUBA. Segun Arends, e SAC actual a keda pega den tempo y mester traha caminda pa otro structura por tuma over sino carnaval di Aruba ta na peligro.

Segun Arends, e cambio pues mester tuma lugar e anja aki mirando con cosnan ta bayendo. Tur hende ta traha pa nan cuenta y ta haci kico cu nan kier. Problema cu ruta cu no mester tin, problema cu Calypso y asina tin un sin fin di problema cu SAC ta causando cu no mester tin.

A muestra cu tur aña ta simplemente 'copy paste'

evento y no ta crea nada nobo pa e comunidad di Aruba. Arends ta sinti cu carnaval di Aruba ta muriendo y si pa e aña aki no haci nada, carnaval ta muri un morto diripiente. Esaki pasobra carnavalistanan ta haya basta di e problemanan y ta cuminsa retira nan mes di participa. Bandanan no tin grupo e ora pa toca, y asina poco poco cos ta caba na nada. E problema di ruta e aña aki ta un muestra palpable di e falta di organisacion di SAC. A muestra cu pa añanan largo e parada di Blas, cu awor yama Youth parada a bai atras radicalmente den cantidad di hende. E aña aki e la yega asina leu cu tabatin apenas un grupo, y asina mes tabatin un ola di problema. Cambio di ruta sin fin ultimo ora, pa no papia mas di orario di parada.

Arends ta dispuesto pa lidera un asina yama 'interim group' cu tin cu set up un structura nobo pa un organisacion di carnaval pa despues entrega esaki na e organisacion nobo cu tin cu lidera nos carnaval di Aruba. Pa esei e no ta dispuesto pa tuma parti, pero si e parti 'interino'. Lo tin cu busca asina yama 'expertonan' riba cada tereno manera di musica, reina, parada etc, y duna nan e responsabilidadnan necesario pa carga.

Aworaki SAC di awe, ta un grupo cu simplemente a pasa nan tempo y no ta sirbi mas.

Como tal Arends ta suplica e directiva completo pa tuma honor na nan mes y baha, prome cu nan causa e kiebro den carnaval di Aruba. □



Bibi Arends